

辨證錄

余素不知醫廿年前家居時
見戚里中多為庸手所誤每
戒病者勿輕延醫勿輕服藥
嗣於家表兄宋之山處得見
陳子遠公所著辨証錄試之
無不奇效知其書自浙得來

惜其為抄本無以廣其傳也
十六年余官於浙亟求是書
迺得黃退菴刻本奉使來
滇置一部於行篋試之
無不奇效惜其板之在浙者
久經散失竊歛付梓以廣其

傳而獨力難成。商之李石渠
周寧齋。碩致堂。各願共襄
此舉。遂即滇中。付剞劂焉。
前人有言。藥雖用於已。良方
多出於古人。是書不但溥方
而先辨証。証見乎外者也。人

之虛實寒熱伏於內者不可知
見於外者顯可辨得是書者
先即其証審之脈確而藥可
有功即是書之不至於補之時

嘉慶二十二年歲在丁丑秋九月

安邑郭淳章識



辨證錄

丁卯秋余客燕市黃菊初放懷人自遠忽聞剝啄聲啓扉
迓之見二老者衣冠偉甚余竒之載拜問曰先生何方來
得毋有竒聞誨鐸乎二老者曰聞君好醫特來辨難耳余
謝不敏二老者曰君擅著作才何不著書自雄顧咕咕時
藝竊耻之余壯其言乃尚論靈素諸書辨脉辨證多非世
間語余益竒之數共晨夕遂盡聞緒論閱五月別去訓鐸
曰今而後君可出而著書矣鐸退而記憶合以所識方日
書數則久乃成帙夫醫道之難也不辨脉罔識脉之微不

辨證罔識證之變今世人習診者亦甚多矣言人人殊究
不得其指歸似宜辨脉不必辨證也雖然辨脉難知不若
辨證易知也古雖有從脉不從證之文畢竟從脉者少從
證者衆且證亦不易辨也今人所共知者不必辨也古人
所已言者不必辨也必取今人之所不敢言與古人之所
未及言者而暢辨之論其證之所必有非詭其理之所或
無乍聞之而竒徐思之而實未竒也客曰布帛菽粟可以
活人安在談醫之必竒乎余謝之曰布帛菽粟平淡無竒
而活人之理實竒也日服之而不知其何以溫日食之而

不知其何以飽致使其理之彰可乎鐸之辨證猶談布帛菽粟之理耳客又笑曰君辨理奇矣已足顯著作之才奚必託仙以術奇耶鐸尼山之弟子也敢輕言著作乎聞二先生教亦述之而已矣何必諱其非仙哉仙不必諱而必謂是書非述也得毋欺世以術奇乎書非術奇而仍以奇聞名者以鐸聞二先生之教不過五閱月耳數十萬言盡記憶無忘述之成帙是則可奇者乎豈矜世以術奇哉

山陰陳士鐸敬之甫別號遠公又號朱華子

題於大雅堂

凡例

一是編皆

岐伯天師

仲景張使君所口授鐸故述廣推以傳世實

遵

師誨非敢自矜出奇

一辨證不辨脉者以證之易識也苟能知症何必辨脉哉雖然辨證更能辨脉則治病益精又在人善用之耳

一辨論證候均出新裁闡揚靈素所未脩於二經不無小補云

一編中不講經絡穴道以經絡穴道之義已顯載於靈

素二經人可讀經自考也

一各門辨證專講五行生尅之理生中有尅尅中有生經權常變顛倒紛紜貴人善讀之耳

一鐸壯遊五岳每逢異人傳刀圭之書頗富凡可引證附載於各辨證條後以脩同人採擇

一祖父素好方術遺有家傳秘本凡關合各症者盡行採入以成異書

一吾越多隱君子頗喜談醫如蔣子羽姚復菴倪涵初金子如蔡煥然朱瑞林諸先生暨內父張公噩仍與同

輩余子道元葉子正叔林子巨源錢子升璉丁子威如
家太士或聞其餘論或接其片言均採八靡遺
一茲編不講鍼灸非輕之也蓋九鍼治病之法已暢論
於靈素書中不必再爲發明耳

一人病最多集中所論恐不足槩世人之病然生剋之
理旣明常變之法可悟此編旁通治法正有餘也

一二師所傳諸方與鄙人所採諸法分兩有太多過重
之處雖因病立方各合機宜然而氣稟有厚薄之分生
產有南北之異宜臨症加減不可拘定方中疑畏而不

敢用也

一鐸年過六旬精神衰邁二師傳鐸之言愧難強記恐至遺忘辨論之處或多未脩尤望同人之教鐸也

一是編方法親試者十之五友朋親出傳誦者十之三罔不立取奇驗故敢付梓告世然猶恐藥有多寡輕重方有大小奇偶又將生平異傳諸方脩載於後便世臨病酌用也

一岐天師傳書甚富而外經一編尤奇篇中秘奧皆採之外經精鑑居多非無本之學也鐸晚年尚欲箋釋外

經以求正於大雅君子也

一鐸勤著述近年以來廣搜醫籍又成一編決壽天之
奇聞生剋之秘有益於人命不淺悵卷帙浩繁鐸家貧
不克災梨倘有同心好善之士肯捐資剞劂鐸傾囊付
之不吝惜也

大雅堂主人遠公識

辨證錄總目

卷之一

傷寒門

四十三則

中寒門

七則

卷之二

中風門

二十五則

痺證門

十一則

心痛門

六則

脇痛門

五則

頭痛門

六則

腹痛門

六則

腰痛門

六則

卷之三

咽喉門

七則

牙齒門

七則

口舌門

二則

鼻淵門

三則

目痛門

十二則

耳痛門

七則

血症門

二十一則

遍身骨痛門

四則

卷之四

五鬱門

六則

咳嗽門

八則

喘門

四則

怔忡門

二則

驚悸門

二則

虛損門

二則

不寐門

五則

健忘門

四則

癲癇門

六則

狂病門

六則

呆病門

三則

呃逆門

五則

卷之五

關格門

五則

中滿門

四則

翻胃門

五則

噎膈門

七則

厥症門

七則

春溫門

三十三則

卷之六

火熱症門

十六則

暑症門

十一則

燥症門

十五則

痿症門

八則

卷之七

消渴門 五則

瘰癧門 十一則

汗症門 五則

五癰門 十則

大瀉門 九則

痢疾門 十三

癰瘰門 八則

卷之八

瘡疾門 十則

虛損門 十二則

癰瘰門 十七則

夢遺門 七則

陰陽脫門 五則

淋症門 七則